

# **LUB NROOG FRESNO COVID-19 SOB LUS XAAJ KEV XWM TXHEEB CEEV 2020-02 COV LUS NOOG HEEV**

## **Muab tshaj tawm tshiab Lub Peb Hlis Ntuj Tim 18, 2020**

Sob lus xaaj pib kav rau thaum Lub Peb Hlis Ntuj Tim 19, 2020, thaum 12:01 teev sawv ntxov, yuav txwv cov kev mus ua ub no thiab kev khiav lag luam rau cov haujlwm tseem ceeb nkaus xwb. Cov kev taw qhia yog tshwm los tom qab tau kev cev lus los ntawm nom tswv loj lub hauv paus tswj thiab tiv kev kab mob (U.S. Centers for Disease Control and Prevention (CDC) thiab cov kev xyaum ua tau zoo los ntawm cov kws kho mob thoob ntiaj teb los. Sob lub xaaj pib kav txog rau 11:59 teev tsaus ntuj. Lub Peb Hlis Ntuj Tim 31, 2020.

Ceeb toom hais tias cov lus noog (FAQs) yuav siv muab tshaj tawm tshiab ntxiv mus tom ntej. Thov rov tuaj saib cov kev tshaj tawm tshiab thiab cov lus qhia meej dua.

## **COV LUS NOOG HAIS TXOG SOB LUS XAAJ**

### **Sob Los Xaaj no yog yuav kom ua dabtsi?**

Sob Lus Xaaj no yuav kom feem coob cov tib neeg nyob hauv tsev sai li sai tau, tiamsis tsis pub lig tshaj li ntawm 12:01 teev sawv ntxov thaum Hnub Thursday, Lub Peb Hlis Ntuj Tim 18, 2020, tsis li ces saib lawv puas yog mus ua tej yam "Haujlwm Tseem Ceeb" uas tau muab tham ntxiv nyob rau hauv qab no. Rau feem coob cov tib neeg, qhov no txhais tau hais tias cov neeg uas koj nyob nrog yuav tsum nyob hauv tsev. Tso cai pub koj tawm koj lub tsev mus yog tias koj yuav tau mus muab tej yam tseem ceeb rau lub neej (tau muab tham txog ntxiv nyob hauv qab no) xws li mus yuav khoom noj haus thiab khoom kho mob nkeeg. Thiab tso cai rau koj tawm mus nraum zoov mus saib tu ib tug tsiaj yug tom tsev los yog mus yoj ce tiamsis tsis pub koj mus sib koom ua pab ua pawg thiab kom txav deb qhov tsawg kawg yog 6 feet ntawm koj thiab lwm tus neeg. Yog tias koj muaj mob koj yuav tsum cais koj tus kheej txhob nyob ze leej twg, xam nrog rau, yog tias koj ua tau, lwm cov neeg uas koj nrog nyob ua ke (hais ntxiv txog qho ntawd hauv qab no).

### **Thaum twg Sob Lus Xaaj no li mam pib kav ?**

Sob Lus Xaaj no yog pib kav thaum 12:01 teev sawv ntxov Hnub Thursday, Lub Peb Hlis Ntuj Tim 18, 2020.

### **Sob Lus Xaaj no yuav kav ntev li cas?**

Sob Lus Xaaj tamsim no yuav muab teev kom los xaus rau Hnub Tuesday, Lub Peb Hlis Ntuj Tim 31, 2020, thaum 11:59 teev tsaus ntuj. Tej zaum lub Nroog yuav txiav txim muab lub caij nyoog txuas ntxiv mus yog tias tsim nyog muaj kev los tiv thaiv pej xeem txoj kev noj qab haus huv.

### **Sob Lus Xaaj puas muab hloov tau?**

Tau. Tej zaum Tus Thawj Tswj ntawm Cov Kev Pab Cuam Kev Xwm Txheej (Director of Emergency Services) yuav muaj kev hloov rau Sob Lus Xaaj los muaj yog tias muaj tej yam kev xwm txheej tshwm sim tuaj hais txog pej xeem txoj kev noj qab has huv thiab yuav muab lus xaaj thiab kev taw

qhia tshiab raws li kev tsim nyog.

### **Sob Lus Xaaj yuav piv kav rau qhov twg?**

Sob Lus Xaaj yog los pib kav thoob Lub Nroog Fresno.

### **Leej twg yog tus muab Sob Lus Xaaj?**

Sob Lus Xaaj no yog muab los ntawm Tus Tswj Zos (City Manager) uas yog nws lub luag haujlwm ua Tus Thawj Tswj Kev Pab Xwm Txheej Ceev (Director of Emergency Services), uas yog tau lub hwjchim tuav dej num ntawm txoj cai Fresno Municipal Code Section 2-501 et seq. los.

### **Qhov no puas yog ib qho yuav tsum tau ua raws li los yog ib co lus pab taw kev xwb?**

Txawm hais tias Lub Nroog xav kom sawvdaws nyias yeem nyias ua kom raws li los, cov lag luam uas muaj Daim Ntaub Ntawv Tso Cai (Conditional Use Permit) muaj feem yuav raug lawv thim daim ntawv tso cai yog tias tsis ua raws li hais.

### **Kuv khiav ib qho lag luam uas yog Lag Luam Tseem Ceeb, uas raug Sob Lus Xaaj lawm. Kuv puas yuav tsum tau txais ib tsab ntawv tso cai los ntawm Lub Nroog los kuv thiaj li khiav tau haujlwm?**

Tsis tau. Yog tias koj lub lag luam nyob rau hauv daim ntawv teev cov Lag Luam Tseem Ceeb nyob rau hauv Sob Lus Xaaj lawm, ces koj khiav tau haujlwm. Koj yuav tsis tas mus muab tej yam kev tso cai dabtsi li mam khiav tau haujlwm.

### **Kuv ua haujlwm rau ib lub Lag Luam Tseem Ceeb, uas raug Sob Lus Xaaj lawm. Kuv puas yuav tsum tau txais ib tsab ntawm los ntawm kuv lub chaw haujlwm los yog lwm cov ntaub ntawv kuv thiaj lis mus ua tau haujlwm?**

Tsis tau. Koj yuav tsis tas nqa tej ntaub ntawv meej tseeb uas qhia tias koj tsis nyob rau hauv Sob Lus Xaaj no.

### **COV LUS NOOG TXOG KEV NYOB TWJ YWM IB LUB CHAW**

### **Qhov hais tias "nyob twj ywm ib lub chaw" yog txhais li cas?**

Lo lus tias "nyob twj ywm ib lub chaw" txhais tau hais tias kom nyob hauv koj lub tsev thiab tsis txhob tawm mus tsis li ces kuj muaj ib qho kev tsis xam nyob hauv Sob Lus Xaaj (tau muab tham ntxiv hauv qab no).

### **Qhov kev sib txawv ntawm "nyob twj ywm ib lub chaw" thiab "nyob sib nruj" yog dabtsi?**

Kev nyob twj ywm ib lub chaw yog ib yam kev nyob nruj dua li nyob sib

nruj. Kev nyob twj ywm ib lub chaw txhais tau tias koj:

- Yuav tsum nyob tsev
- Tsuas pub tawm koj lub tsev mus ua "tej yam tseem ceeb," mus ua haujlwm rau ib "lub

lag luam tseem ceeb," uas tau teev tseg rau hauv Sob Lus Xaaj (mus saib Cov Lus Noog Heev (FAQs) yog xav paub cov lus ntxawg dua)

- Tsis pub caw los yog mus koom ib qho koom txoos hlo li

Thiab koj yuav tsum nyob sib nrug li ntawm 6 feet ntawm lwm tus neeg kom ntau li ntau tau, ntxuav koj cov tes ntau zaus heev li ntawm 20 second txhua txhua zaus (los yog siv cov tshuaj pleev tes ntxuav), sib ntawv tshuaj so tej npoo ntau zaus heev, thiab nyob tsev yog tias koj muaj mob.

### **Kuv tawm puas tau kuv lub tsev mus saib tej phooj ywg los yog tsev neeg yog tias tsis muaj tej yam haujlwm ceev los yog kuv tsis ua tej yam dabtsi tseem ceeb?**

Tsis tau. Yog kom muaj kev nyab xeeb rau koj thiab cov neeg ntawd, peb yuav tau sib pab tauj xub txoj kev kis tus kab mob COVID-19 yog tias peb nyob tsev.

### **Kuv mus puas tau mus muab kuv cov ntawv thiab cov khoom xa tuaj?**

Tau. Koj tseem mus muab tau koj cov ntawv thiab lwm cov khoom lawv xa tuaj rau ntawm koj lub tsev.

### **Kuv puas tseem xaaj tau cov khoom uas kuv sav siv online thiab kom lawv xa tuaj rau kuv qhov chaw nyob?**

Tau. Cov lag luam uas xa khoom los yog muab kev pab ncaj nqa rau ib lub chaw nyob yog cov "lag luam tseem ceeb" uas tseem khiav tau haujlwm ntxiv mus.

### **Kuv puas tawm mus tau mus ntxhua khaub ncaws los yog kom lwm tus txhua rau kuv?**

Tau. Tswj saib kom nyob sib nrug.

### **Kuv puas mus muab tau kuv cov tshuaj thov siv los yog lwm cov kev saib xyuas kev mob nkeeg dabtsi? Kuv puas tawm lub tsev tau mus tom lub khw muag tshuaj mus txhab ntxiv tshuaj noj haus?**

Tau. Cov khw muag tshuaj thiab lwm cov khw muag khoom pab kev mog nkeeg yeej tau kev tso cai khiav haujlwm. Thaum twg muaj kev ua tau, koj yuav tsum muaj tej tshuaj thiab khoom siv pab kev mob nkeeg es kom muab xa tuaj rau koj lub tsev.

### **Yog tias kuv yuav tau kev pab kho mob los ntawm kuv tus kws kho mob ne?**

Koj tseem kev pab kho mob raws li koj siab xav. Tij tauj koj lub chaw kho mob saib lawv puas muaj kev pab cuam li niaj zaus. Muaj tej co kev pab cuam, tshwj xeeb yog tej yam kev saib mog yus xaiv, yuav tau muab ncuu los yog txwv txiav tsi ua lawm. Yog tias koj muaj mob, thov xub hu rau koj tug kws kho mob, tus xov tooj hu tau sai rau neeg saib mob, los yog ib lub chaw saib mob ceev. Tsis txhob mus rau lub tsev kho mob xwm txheej ceev yog tias koj tsis muaj ib qho kev xwm txheej ceev tiag.

### **Kuv tseem puas mus tau mus cuag tej yam kev kho mob tsis tseem ceeb xws li kev kuaj qhov muag, kev tshau ntxuav hniav, tej yam kev kho mob yus xaiv, thiab lwm yam ntxiv?**

Feem ntau koj yuav tau ncuu tej kev kho mob thiab kho hniav uas tsis tseem ceeb yog tias ua

tau li ntawd. Yog tias koj tos taus, ces tos. Nrog koj lub chaw kho mob tham yog xav paub cov kev taw qhia ntxawg dua. Tej zaum lawv txwv txiav cov kev pab cuam los muaj. Koj yuav tsum tsis txhob cia koj tus kheej los yog lwm tus neeg muaj kev sib kis yog tias koj tos tau txoj kev mus nrhiav kev kho mob los saib mob li ob peb asthiv.

**Kuv puas yuav tsum npaj kom tau ntau tej khoom noj haus, tej yam tseem ceeb li ntawv hoob nab, thiab tej tshuaj siv?**

Tsis npaj. Koj tseem yuav muaj feem mus yuav tau tej khoom li cov no ntxiv mus. Cov khw muag tej khoom tseem ceeb xws li cov khw muag khoom noj haus, khw muag tshuaj, thiab khw muag khoom kho vaj tse tseem yuav cia qhib. Thov mus yuav ntxiv tau tej khoom siv ntau npaum li cas nyob raws li koj lub caij nyoog mus yuav yav dhau los. Qhov no yuav pab tau kom muaj txaus rau txhua leej txhua tus.

**Kuv yuav ua li cas thaum kuv muaj mob? Yog tias kuv los yog ib tug hauv tsev neeg xav tau kev pab mob nkeeg tamsim ntawd, kuv tawm lub tsev mus cuag tug kws kho mob los yog tsev kho mob puas tau?**

Yog tias koj muaj mob, thov xub hu rau koj tug kws kho mob, tus xov tooj hu tau sai rau neeg saib mob, los yog ib lub chaw saib mob ceev. Tsis txhob mus rau lub tsev kho mob xwm txheej ceev yog tias koj tsis muaj ib qho kev xwm txheej ceev tiag. Tiamsis koj mus tau thiab yuav tsum thov kev pab kho mob yog tias koj los yog ib tug hauv koj tsev neeg muaj mob. Yog tias tsis muaj kev xwm txheej ceev, thov tiv tauj koj tug kws kho mob koj niaj zaus mus ntsib saib nws pom zoo yuav rais kauj ruam tom ntej li cas. Tsis tas li, koj mus tau hauv online mus saib cov kev pab cuam tau rau koj los soj ntsuam cov tsos mob yog tias koj txhawj tias saib puas yog koj los yog ib tug txheeb ze muaj tus kab mob COVID-19 lawm. Koj yuav tsum mus saib <https://www.cdc.gov/coronavirus/2019-ncov/index.html> yog koj xav paub ntxiv. Hu rau 911 los yog mus rau lub tsev kho mob qhov chaw xwm txheej ceev yog tias koj tau ntsib tej yam kev mob nkeeg ceeb.

**Kuv tawm lub tsev mus tu kuv niam thiab txiv laus los yog cov phooj ywg uas yuav tsum tau muaj kev pab saib tu lawv puas tau? Los yog ib tug phooj ywg los yog tus txheeb ze uas mob yam lub cev tsis taus?**

Tau. Koj yuav tau xyuam xwm zoo heev thaum uas koj mus pab saib tu cov neeg uas lub cev tsis taus thiab npaj txhij muaj kev thaiv lawv thiab koj tus kheej los ntawm cov kev taw qhia txog kev nyob sib nrug xws li ntxuav tes ua ntej thiab tom qab ua tej yam dabtsi, siv tshuaj pleev ntxuav tes, tswj saib kom tsis pug nyob sib nrug 6 feet yog tias ua tau, thiab hnoos los yog txhub rau hauv ib daim ntawv so ntswg.

**Kuv mus puas tau mus saib cov txheeb ze hauv tsev kho mob, tsev laus, cov chaw muaj neeg saib mob, los yog lwm hom tsev nyob tu mob?**

Koj mus saib tau nyob rau tsev kho mob los yog lwm hom tsev saib mob tiamsis tsuas yog pub rau txoj kev mus nrhiav kev kho mob thiab muag khoom kho mob los siv nkaus xwb. Cov kev mus saib uas tsis tseem ceeb txwv tsis pub mus. Tsis txhob mus saib tsev laus, cov chaw muaj neeg saib mob, los yog lwm hom tsev nyob tu mob yog tias tsis yog mus nrhiav kom tau kev pab kho mob. Cov neeg uas muaj hnuv nyoog tshaj 65 xyoos yog cov muaj feem raug tus kab mob

COVID-19.

**Yog tias kuv tawm tsis tau kuv lub tsev ne yuav ua li cas? Kuv yuav ua li cas mus muab tej khoom siv thiab khom noj?**

Thov koj tiv tauj tej phooj ywg, tsev neeg, los yog lwm tus uas koj paub uas muab tau kev pab cuam rua koj. Peb tso cai rau lawm mus khaws tej yam dabtsi uas koj xav tau. Thiab koj xaaj khoom noj haus thiab khoom siv los tau, ces kom lawv xa tuaj rau ntawm koj lub tsev los tau.

**Kuv tawm kuv lub tsev puas tau mus rau kuv cov tsev teev ntuj ntseeg Vajtswv, ntseeg Judaism, ntseeg Islam?**

Tsis tau. Yog kom muaj kev nyab xeeb rau koj thiab koj tsoom ntseeg, peb yuav tau sib pab tauj xub txoj kev kis tus kab mob COVID-19 yog tias peb nyob tsev. Tej zaum cov chaw ntseeg yuav muaj cov kev nyob sib nrog los sib koom teev hawm, xws li siv email, siv video, los yog xov tooj cua sib tham ua ke.

**Kuv tawm puas tau kuv lub tsev mus yoj ce?**

Yog tias koj yuav tawm rau nraum zoo thiab yuav tsis nyog ze lwm tus neeg, ces tau. Tsis li ces, tsis tau. Cov chaw yoj ce zooj cev, cov chaw yoj ce, chaw ua si, chaw ntaus golf, thiab cov chaw daj dej raug txwv tsis pub qhib lawm.

**Cov chaw ntaus golf puas cia qhib?**

Tsis qhib.

**Kuv yuav nyob tsis taus thaum muab kaw nyob hauv tsev. Puas kam kuv tawm mus tom chaw ua si los yog caij luv tees?**

Qhib. Lub caij nyoog tawm rau nraum zoo pab koj lub siab kaj thiab noj nyob zoo, thiab tshwj xeeb muaj nuj nqis rau cov menyuam. Koj mus taug kev, mus tom chaw ua si, thiab koom tes ua lwm yam zoo li ntawd los tau, tiamsis koj yuav tsum tswj xyuas kev nyob nrug (tshaj li ntawm 6 feet ntawm lwm cov neeg uas tsis yog koj ib tse neeg) kom tsis txhob kis tau tus kab mob.

**Kuv mus puas tau mus yuav khoom yam uas tsis yog khoom noj haus?**

Tau. Koj mus yuav dabtsi los tau uas yog los pab kho mob, khoom siv kho vaj tse, khoom siv los sib txuas lus, thiab cov khoom tseem ceeb rau txoj kev nyab xeeb thiab tu txoj kev huv. Tiamsis koj yuav tsum tsis txhob tawm mus yog tej yam tsis tsim nyog.

**Kuv mus lub chaw haus dej caw/sib ntsib ua si mo ntuj/saib movie puas tau?**

Tsis tau. Cov chaw ua si lom zem yuav txwv tsis pub qhib.

**Kuv mus puas tau rau lub chaw noj mov, chaw haus kas fes los yog hauv chav, khw muag khoom txias qab zib, los yog lwm cov chaw muag khoom noj?**

Tau, tiamsis tau rau cov chaw uas lawv ua tau lawm es yus mus nqa nkaus xwb. Koj mus zaum noj, noj, los yog haus tsis tau rau hauv los yog ib puab ncig ntawm lub chaw ntawd.

**Kuv coj puas tau kuv tus dev/tsiaj yug tom tsev mus taug kev?**

Tau. Nco ntsoov tias koj nyob nrug li ntawm 6 feet ntawm cov neeg u as tsis yog cov nyob hauv koj lub cuab lub yig.

**Kuv mus pas tau mus ntsib tug kws kho tsiaj yug hauv tsev los yog tsev kho mob rau tsiaj yog tias kuv tus tsiaj muaj mob?**

Tau. Thov hu ua ntej mus saib tug kws kho mob rau tsiaj puas muaj kev txwv dabtsi ua ntej tso.

**Kuv tsi ua zaub mov noj—kuv yuav mus yuav pluas noj li cas?**

Cov chaw noj haus, tsev haus kas fes, tsheb muag khoom noj, thiab lwm yam chaw zoo sis thoov li ntawd yog cov chaw uas peb xav kom cia qhib los pab muag cov pluas noj pluas haus rau pej xeem uas yog siv kev xa zaub mov tuaj los yog cia neeg tuaj nqa. Thiab koj yuav tau cov khoom noj haus uas twb npaj tiav log lawm nyob rau ntawm

cov khw muag khoom noj haus, cov khw loj, cov khwv tsav puam muag zaub, cov khwv yuav khoom yooj yim, thiab lwm cov chaw muag khoom noj haus.

**Kuv yuav mus puas tau mus muab tej pluas noj haus pub dawb los yog txo nqi rau kuv tus kheej los kuv tsev neeg?**

Cov tsev kawm ntawv, cov chaw pub pluas noj haus dawb, cov chaw pub khoom noj haus, thiab lwm cov chaw uas pub dawb los txo nqi rau tej khoom noj haus los yog pluas noj haus rau pej xeem yog cov chaw uas peb xav kom lawv kav tsij muaj cov kev pab cuam no ntxiv mus. Koj yuav tsum mus nqa los yog mus muab cov khoom noj haus los yog kom lawv xa tuaj rau koj. Tsis txhob noj nyob rau ntawm cov chaw ntawd.

**Kuv puas coj tau kuv cov menyuam mus tom chaw ua si thiab peb siv puas tau cov chaw menyuam yaus ua si?**

Sob Lus Xaaj tso cai rau koj mus ua tej yam sab nraum zoo, yog tias koj tswj tau txoj kev nyob sib nrug tib neeg. Tab txawm peb xav kom mus siv tej chaw ua si los, peb yeej tsis xav kom mus siv cov chaw menyuam yaus ua si vim hais tias nws muaj ntau qhov chaw uas tib neeg tau chwv ntau lawm, thiab vim hais tias feem ntau tsis muaj kev yuav tswj saib tau txoj kev sib nrug nyob rau ntawm cov chaw menyuam yaus ua si ntawd.

**COV LUS NOOG HAIS TXOG COV LAG LUAM. KEV UA HAUJLWM. THIAB NOM TSWV COV HAUJLWM.**

**Puas yog tas nrho cov chaw ua lag luam thiab cov khw muag khoom yuav tsum tau muab kaw?**

Tsis yog. “Cov lag luam tseem ceeb” yuav cia lawv cov chaw qhib (thiab xav kom lawv tso qhib) kom muaj cov kev pab cuam tseem ceeb thiab tej khoom siv rau pej xeem sawvdaws. Cov neeg ua haujlwm puas tawm tau hauv lawv lub tsev mus ua lawv cov haujlwm?

Cov lag luam tsis tseem ceeb tsuas cia lawv cov chaw qhib tau los pab kom muaj tej yam kev khiav kom nyob taus nkaus xwb, xws li tswj tauj lawv tej khoom yuav tuav nqi, tsom saib lawv lub chaw kom muaj kev ruaj ntseg, thiab tswj saib kom cov neeg ua haujlwm tuaj deb ua tau haujlwm. Sob Lus Xaaj yuav tsis txwv kom ib tug neeg ua haujlwm twg ua tsis tau haujlwm tom tsev.

### **"Cov Lag Luam Tseem Ceeb" yog dabtsi?**

Sob Lus Xaaj muab daim ntawv teev tseg hauv qab no los qhia tias "Cov Lag Luam Tseem Ceeb" yog cov twg:

- i. Cov Kev Kho Mob thiab Tej Yam Hauv Paus Haujlwm Tseem Ceeb;
- ii. Cov chaw muaj khoom noj haus, cov chaw muaj ntawv ua khwv tshav puam muag khoom, cov rooj muag khoom tom teb, cov chaw muaj khoom noj haus loj, cov chaw cia khoom noj haus, cov khw muag khoom yooj yim, thiab lwm cov chaw uas muaj khoom nyob kab poom, khoom qhuav, txiv hmab txiv ntoo thiab zaub, khoom rau cov tsiaj yug tom tsev noj, nqaj, ntses, thiab qaib, thiab lwm cov khoom siv hauv vaj tse (xws li khoom ntxuav vaj tse thiab tej khoom yus siv tu yus tus kheej). Qhov no yog zam nrog rau cov khwv muag khoom noj haus thiab cov muaj lwm yam khoom uas tsis yog khoom noj haus, thiab cov khoom uas tseem ceeb los pab tswj saib kev nyab xeeb, kev dawb huv, thiab tej yam kev khiav haujlwm tseem ceeb rau cov vaj tse nyob;
- iii. Kev cog qoob loo, xam nrog rau kev ua teb, huv tsiaj txhu, thiab nuv ntses;
- iv. Cov lag luam uas pab muag khoom noj haus, chaw nyob, thiab kev pab pej xeem, thiab lwm yam tseem ceeb rau cov neeg txom nyem ua lub neej los yog lwm cov neeg uas tu ncuva kev pab cuam;
- v. Ntawv xov xwm, ua TV, xov tooj cua, thiab lwm cov kev tshaj xo.
- vi. Cov poob roj thiab tsev muag khoom kho tsheb, chaw kho tsheb, thiab lwm cov vaj tse muaj feem ntsig txog;
- vii. Cov txhab nyiaj thiab cov tuam tsev tswj nyiaj xtiag;
- viii. Cov khw muag khoom kho vaj tse;
- ix. Cov neeg kho kav dej, cov neeg kho fais fab, cov neeg tua kab ntsaum, thiab lwm cov neeg uas muab kev pab cuam uas tseem ceeb los tswj saib kev nyab xeeb, thiab tej kev khiav haujlwm rau vaj tse nyob, Tej Yam Haujlwm Tseem Ceeb, thiab Cov Lag Luam Tseem Ceeb;
- x. Cov lag luam uas pab xa ntawv thiab xa khoom, xam nrog rau lub tsev xauj chaw xa ntawv;
- xi. Cov tuam tsev kawm - xam nrog rau cov tsev kawm ntawv nom tswv thiab cov them nqi qib ntawv K-12, cov tsev kawm ntawv qib siab - uas yog siv los rau lub homphiaj tswj xyuas kev kawm thaum nyob nrug los yog khiav tej yam haujlwm, kom txoj kev nyob sib nrug yog li ntawm 6 feet ntawm ib tug neeg twg kom tau zoo li zoo tau;

xii. Cov tsev ntxhua khaub ncaws, cov chaw ntxhua khaub ncaws qhuav, thiab lwm cov hauv kev ntxhua khaub ncaws

xiii. Cov tsev noj haus thiab lwm cov chaw uas npaj thiab rau khoom noj haus, tiamsis rau cov khoom noj haus uas xa mus los yog tuaj nqa nkaus xwb. Cov tsev kawm ntawv thiab lwm cov chaw uas feem ntau muaj kev pab pub khoom noj haus rau cov neeg kawm ntawv los yog cov pej xeem sawvdaws yog cov uas tso cai ua li ntawd mus raws li Sob Lus Xaaj ntawm no yog tias cov khoom noj haus yog muab rau cov neeg kawm ntawv thiab cov pej xeem sawvdaws yam uas xa mus los yog tuaj nqa mus nkaus xwb. Cov tsev kawm ntawv thiab lwm cov chaw uas muab kev pab khoom noj haus uas tsis raug muab xam rau txoj kev txwv no ces yuav tsis tso cai tib neeg noj cov khoom noj haus rau ntawm lub chaw uas lawv muab cov khoom noj haus ntawd, los yog nyob rau lwm lub chaw sib sau ua ke li;

xiv. Cov lag luam uas muab cov khoom siv rau cov tib neeg xav tau los ua haujlwm tom tsev;

xv. Cov lag luam uas muab khoom siv rau lwm cov lag luam tseem ceeb uas yog tau kev pab txhawb los yog tej khoom siv uas yuav tsum tau los siv khiav haujlwm, xam nrog rau tiamsis tsis pub tshaj txog rau kev muab khoom phem pov tseg, kev zom khoom, thiab kev siv fais fab zom khoom;

xvi. Cov lag luam uas thauj los yog xa cov khoom noj haus, khoom siv los yog kev pab ncaj qha tuaj rau cov vaj tse nyob;

xvii. Cov dav hlau, tsheb taxi, thiab lwm cov chaw pab thauj khoom mus los uas muab kev pab thauj uas tseem ceeb rau Tej Yam Haujlwm Tseem Ceeb thiab lwm cov hauv kev uas tau tso cai pom zoo nyob rau hauv Sob Lus Xaaj no;

xviii. Cov chaw zov hauv tsev rau cov laus, cov neeg muaj hnuv nyoog, los yog cov menyuam;

xix. Cov vaj tse nyob thiab cov chaw nyob rau cov laus, cov muaj hnuv nyoog, thiab cov menyuam;

xx. Cov kev khiav ntaub ntawv pab neeg, xws li kev lij choj los yog kev txheeb nyiaj, thaum yuav tau los pab yoog raws li tej haujlwm tseem ceeb uas txoj kev cai lij choj tau teev tseg kom ua;

xxi. Cov chaw muab kev pab zov menyuam uas Sob Lus Xaaj No tso cai pub rau lawv cov neeg ua haujlwm los mus ua haujlwm. Yog tias yuav ua kom mus tau li siab xav, cov chaw zov menyuam yuav tsum khiav haujlwm raws li cov lus yoog raws nraim kev teev tseg li hauv qab no:

1. Kev zov menyuam yuav tsum muab sib faib nyob kom tus ua tej pawg tsawg tshaj li 10 leej ("nyob kom tus" txhais tau hais tias pawg menyuam uas nyob ua ke tsawg dua 10 leej txhua txhua hnuv).

2. Cov menyuam yuav tsuas pub muab hloov mus rau lwm pawg.



3. Yog tias muaj ntau tshaj li ib pawg menyuam zov nyob ua ke ntawm ib lub chaw zov, ib pawg nyias yuav tsum nyob nyias. Cov pawg neeg tsis pub muab sib xyaw.
4. Cov chaw zov menyuam yuav tsum saib tib pawg menyuam nkaus xwb.

**Yuav ua li cas yog tias kuv lub lag luam tsis raug xam tias nws yog ib lub Lag Luam Tseem Ceeb? Sob Lus Xaaj no puas yuav tsum koj kuv kaw kuv lub tsev lag luam?**

Koj thiab koj cov neeg ua haujlwm yuav tau kev tso cai los "Khiav Haujlwm Yam Tsawg" nyob rau ntawm koj lub chaw haujlwm, tsuav yog tias cov neeg ua haujlwm muaj kev nyob nruag deb ntawm lwm tus neeg los tswj xyuas haujlwm yam zoo li zoo tau. Kev Khiav Haujlwm Yam Tsawg yog xam nrog rau txoj kev tswj xyuas tej khoom siv kom tuav nqi, kom muaj kev ruaj ntseg, thiab kom cov neeg ua haujlwm tuaj deb ua tau haujlwm. Lwm yam uas tsis yog los tswj xyuas kev "Khiav Haujlwm Yam Tsawg," cov neeg ua haujlwm tsuas tuaj deb ua tau haujlwm thaum nyob tom tsev nkaus xwb.

**Qhov Sob Lus Xaaj no puas yuav kom cov tsev kawm ntawv kaw?**

Sob Lus Xaaj no yuav kom tas nrho cov tsev kawm ntawv qhib kev kawm nyob rau cov chaw muaj tsev nyob rau hauv Lub Nroog. Tiamsis, cov tsev kawm ntawv yuav tau muaj kev kawm yam nruag deb rau lwm cov neeg kawm ntawv. Tej zaum neeg ua haujlwm rau tsev kawm ntawv yuav mus ua haujlwm los muab kev kawm yam nruag deb rau lawv cov neeg kawm ntawv. Thiab cov tsev kawm ntawv yuav muab tau pluas noj haus pub dawb thiab txo nqi rau cov nqa tau mus los yog xa mus rau cov neeg kawm ntawv noj, uas ntau lub tsev kawm ntawv yeej tau ua li ntawd lawm.

**Kuv ua lag luam tsim khoom noj haus uas yog kuv muab khoom noj haus rau cov khw muag khoom noj haus thiab lwm cov chaw muag khoom noj haus. Kuv puas yuav tsum tau muab kaw?**

Tsis tau. Tas nrho cov chaw muab khoom rau cov lag luam tseem ceeb yuav tau kev tso cai thiab xav kom los khiav haujlwm ntxiv mus. Qhov no yog xam nrog cov lag luam uas muab khoom noj haus thiab npaj pluas noj haus rau cov khwv muab khoom noj haus thiab lwm cov chaw muag khoom noj haus.

**Sob Lus Xaaj no puas yuav kom cov lag luam ntawv nres lawv cov haujlwm yam uas tseem ceeb rau pab txoj kev kho mob nkeeg?**

Tsis nres. Sob Lus Xaaj yuav tsis xam ib lub lag luam twg uas ua cov haujlwm muaj kev ntsig txog rau txoj kev pab kev kho mob nkeeg.

**Kuv lub chaw haujlwm puas kho tau vaj tse ntxiv mus rau ib lub chaw kho mob nkeeg?**

Tau, Sob Lus Xaaj yuav tsis xam ib lub lag luam twg uas ua cov haujlwm muaj kev ntsig txog rau txoj kev pab kev kho mob nkeeg.

**Cov koomhaum pab pej xeeb puas tau kev tso cai khiav haujlwm ntxiv mus?**

Yog tias lawv muab kev pab cuam tseem ceeb raws li tau piav tseg nyob rau hauv Sob Lus Xaaj, ces lawv khiav haujlwm tau thiab yuav pab muab cov kev pab cuam ntawd ntxiv mus.

Qhov no yuav xam nrog rau cov koomhaum pab pej xeem uas khiav cov haujlwm tswj cov chaw cia khoom noj haus, muab vaj tse rau cov neeg tsis muaj tsev nyob, thiab muab lwm txoj kev pab cuam tseem ceeb.

**Yog tias kuv ib co haujlwm ntawm kuv qhov lag luam ua nyob rau ntawm cov chaw uas tseem ceeb thiab ib co yog tsis tseem ceeb ne yuav ua li cas?**

Koj lub lag luam khiav tau haujlwm los ua tej yam uas tseem ceeb ntxiv mus. Koj yuav tsum tuaj deb li deb tau ua haujlwm thiab ua yooq raws li cov kev tswj xyuas nyob sib nruq ntawm lub chaw ntawd. Lub chaw yuav tsis pub khiav cov haujlwm tsis tseem ceeb ntxiv mus lawm.

**Kuv ua haujlwm rau ib lub "khw muag khoom loj" uas muab ib co khaub ncaws nrog rau khoom noj haus, khoom siv fais fab, thiab tej twj kho ub no. Kuv puas yuav tsum kaw tej chav ntawm lub khw uas muag tej yam khoom siv uas tsis tseem ceeb?**

Tsis kaw. Koj yuav cia tas nrho lub khw qhib los tau yog tias nws feem ntau muab cov khoom tseem ceeb xws li khoom noj haus thiab tej khoom siv los pab kev txuas lus.

**Yog tias kuv muaj lub chaw zaum noj haus ntawm kub lub chaw ua haujlwm ne? Puas kam muab lub chaw ntawd siv rau cov neeg ua haujlwm uas ua tej yam dej num uas tsis xam nyob rau hauv Sob Lus Xaaj no?**

Lub Chaw Zaum Noj Haus khiav tau haujlwm xws li lwm cov chaw siv khoom noj haus. Lub chaw ntawd muab tau khoom noj haus rau cov neeg ua haujlwm, tsuav yog cov neeg ua haujlwm muab cov khoom noj haus nqa tawm mus thiab tsis noj nyob rau hauv lub chaw zaum noj haus xwb. Lub chaw zaum noj haus yuav tsum ua raws li cov kev teev tib neeg nyob sib nruq uas nyob rau hauv Sob Lus Xaaj.

**Nom tswv zej zos puas raug muab kaw?**

Tsis kaw, cov haujlwm nom tswv tseem ceeb yuav khiav ntxiv mus, xam nrog rau cov neeg pab kev kub ntxhov, cov neeg tswj saib kev xwm txheej ceev, cov neeg hu thiab qhia kev xwm txheej ceev, thiab cov tub ceev xwm. Lwm cov haujlwm nom tswv los yog chaw ua kam tej zaum yuav raug muab txo caij nyoog ua haujlwm los yog muab kaw raws li txo kev siv lub zog los tauj xub txoj kev kis tus kab mob COVID-19.

**Kuv ua haujlwm rau nom tswv - Kuv puas yuav mus ua haujlwm ntxiv?**

Cov neeg ua haujlwm rau nom tswv yuav mus ua haujlwm ntxiv yog tias lawv raug lawv lub chaw haujlwm muab lawv teev tseg tias lawv yog cov neeg ua haujlwm tseem ceeb. Txhua lub haus paus nom tswv muaj kev feem xyuam los txiav txim hais tias saib lawv cov neeg ua haujlwm twg yog cov uas tseem ceeb.

**Kuv yuav ua li cas yog tias kub lub chaw haujlwm yuam tsum koj kuv mus ua haujlwm?**

Ntau lub lag luam yuav txwv tsis pub los khiav haujlwm nyob rau hauv Sob Lus Xaaj no. Cov Lag Luam Tseem Ceeb, raws li txhais lub ntsiab nyob rau hauv Sob Lus Xaaj, tau kev tso cai thiab xav kom khiav haujlwm ntxiv mus. Yog tias koj qhov haujlwm tsis yog ib yam Lag Luam Tseem Ceeb, koj yuav tsis tau kev tso cai mus ua haujlwm thiab koj lub chaw haujlwm yuav tsis tau kev tso cai kom koj mus, tsuas yog saib koj puas tau mus Khiav Haujlwm Yam Tsawg, vim tias sob

lus ntawd raug muab txhais lub ntsiab nyob rau hauv Sob Lus Xaaj lawm. Koj ua haujlwm tom tsev los tau yog tias koj lub chaw haujlwm tso cai.

**Kuv yuav muab kuv cov menyuam ua li cas? Kuv yuav tau mus ua haujlwm.**

Yog tias koj ua haujlwm rau ib Lub Lag Luam Tseem Ceeb, raws li muab txhais lub ntsiab nyob rau hauv Sob Lus Xaaj lawm, koj mus tau thiab yuav tau mus haujlwm. Ib txhia neeg ua haujlwm, cov tsev kawm ntawv, thiab cov koomhaum zej zos yuav muaj kev zov menyuam rau cov neeg ua haujlwm rau cov lag luam tseem ceeb. Tej zaum koj yuav ntiav ib tug neeg saib los yog zov menyuam los pab tu koj cov menyuam hauv tsev.

**Kuv lub chaw haujlwm puas tseem muaj neeg tu vaj tse ntxiv mus?**

Muaj, cov kev tu vaj tse tau kev tso cai raws li kev tseem ceeb rau kev noj qab haus huv thiab kev dawb huv.

**Cov khw muab khoom noj haus, khwv tshav puam muag khoom zaub, thiab lwm cov chaw muag khoom noj haus puas qhib?**

Qhib. Cov chaw muaj khoom noj haus, cov chaw muaj ntawv ua khwv tshav puam muag khoom, cov rooj muag khoom tom teb, cov chaw muaj khoom noj haus loj, cov chaw cia khoom noj haus, cov khw muag khoom yooj yim, thiab cov chaw muag khoom noj haus yog cov xav kom cia qhib los pab muab khoom noj haus thiab khoom siv rau cov tsiaj tu tom tsev rau pej xeeb sawvdaws. Thaum koj mus rau cov chaw no, thov pab cov neeg muag khoom tswj xyuas kom qhov tsawg kawg uas yus nyob nrug ntawm cov neeg tuaj yuav khoom yog 6 feet, xam nrog rau tias yuav tau muab chaw ntau rau cov neeg tuaj yuav khoom thiab ua kab sab tos.

**Yog tias kuv tus menyuam lub tsev kawm ntawv muab khoom noj haus los yog puas noj haus rau nws, kuv tawm lub tsev mus rau tom tsev kawm ntawv mus nqa cov khoom noj haus los yog puas noj haus puas tau?**

Tau.

**Cov chaw cia khoom thiab xa khoom tawm rau cov lag luam uas thauj thiab xa khoom tuaj puas tseem qhib?**

Qhib.

**Kuv ua haujlwm rau ib lub koomhaum tuav hauv paus tseem ceeb - kuv tawm lub tsev mus rau tom lub chaw haujlwm puas tau?**

Tau. Koj mus tau rau ntawm lub chaw haujlwm thiab mus khiav tej yam haujlwm tseem ceeb, xam nrog rau cov haujlwm kho kev, kho vaj tse (tshwj xeeb yog cov tsev pheej yig los yog cov tsev rau cov neeg uas tsis muaj tsev nyob), kev ua haujlwm rau tshav dav hlau, dej siv, qhov dej khiab nyiab, pa roj, fais fab, lim roj av, kev tsheb me thiab kev tsheb loj, kev thauj mus los, kev sib sau thiab tshem tawm khoom phem pov tseg, internet, thiab cov kev sib txuas lus (xam nrog rau cov kev pab cuam tseem ceeb rau thoob ntiaj teb, thoob tebchaws, thiab hauv zej zos rau cov kev siv computer, haus paus lag luam, kev sib txuas lus, thiab kev siv internet).

**Yam haujlwm kho kev los yog vaj tse twg yog yam pub khiav ntxiv mus?**

Sob Lus Xaaj tsuas tsis xam kev kho vaj tse, dej taws, thiab kev kho mob thiab kev mob nkeeg - ntsig txog rau cov chaw khiav cov haujlwm ntawd.

**Yog tias kuv xav mus ua haujlwm nyob rau ib lub chaw nyob rau hauv Lub Nroog thiab kuv muaj mob ne, yuav ua li cas?**

Yog tias koj txoj haujlwm yog ib txoj tsis raug muab xam nyob rau hauv Sob Lus Xaaj, koj mus tsis tau mus ua haujlwm nyob rau ib lub chaw hauv Lub Nroog. Koj ua haujlwm tom tsev rau ib lub lag luam twg los tau yog tias koj lub chaw haujlwm tso cai

**Kuv puas khiav tau lub lag luam uas muag tej yam uas xa tau mus rau tib neeg cov tsev nyob? Kuv hloov kuv lub lag luam mus ua ib lub uas xa khoom puas tau?**

Kev xa khoom los tau mus rau tib neeg cov vaj tse nyob, thiab koj yuav tau hloov kho koj qhov lag luam kom raws cai thaum uas Sob Lus Xaaj no tseem nyob kav.

**Kuv lub lag luam muab tau cov kev pab cuam tseem ceeb rau nom tswv loj ntawm tej lub caij uas peb yuav tsum tau ua--peb puas tsim tau cov khoom siv ntawm no ntxiv mus?**

Cov neeg ua haujlwm thiab cov neeg muaj ntawv cog lus ua lag luam rau tej lub hauv paus nom tswv yuav muab cov kev pab cuam thiab tej khoom siv tau mus ntxiv yog tias lub hauv paus nom tswv txiav txim tias lawv yog tej haujlwm tseem ceeb ntawm noj tswv tes haujlwm.

**Puas pub cov chaw zov menyuam qhib khiav haujlwm?**

Cov chaw zov menyuam khiav tau haujlwm, tiamsis tsuas yog tias lawv ua raws li cov lus teev tseg kom ua raws nyob hauv qab no thiab tsuas yog los muab kev pab zov cov neeg ua haujlwm cov menyuam uas tsis xam nyob rau hauv Sob Lus Xaaj nkaus xwb. Qhov no yog xam nrog rau cov neeg ua haujlwm rau cov lag luam tseem ceeb, cov neeg ua haujlwm uas pab kev khiav haujlwm yam tsawg rau cov lag luam tsis tseem ceeb, thiab cov neeg ua haujlwm rau nom tswv uas ua cov haujlwm tseem ceeb.

Yog yuav khiav haujlwm, cov chaw zov menyuam yuav tsum ua raws lo cov lus teev tseg kom ua li nram qab no:

- 1) Kev zov menyuam yuav tsum muab sib faib nyob kom tus ua tej pawg tsawg tshaj li 10 leej ("nyob kom tus" txhais tau hais tias pawg menyuam uas nyob ua ke tsawg dua 10

leej txhua txhua hnuv).

- 2) Cov menyuam sib hloov chaw tsis tau ntawm ib pawg mus rau lwm pawg;
- 3) Yog tias muaj ntau tshaj li ib pawg menyuam zov nyob ua ke ntawm ib lub chaw zov, ib pawg nyias yuav tsum nyob nyias. Cov pawg neeg nyob sib xyaw tsis tau ua ke. Cov chaw zov menyuam yuav tsum nrog ib pawg menyuam nyob nkaus xwb. Cov pawg neeg sib hloov chaw tsis tau.

**Cov neeg ua haujlwm zov neeg tom tsev uas tu cov vaj tse puas ua tau lawv cov haujlwm ntxiv mus?**

Cov neeg ua haujlwm zov neeg tom tsev ua tau lawv cov haujlwm yog tias zoo rau kev noj qab haus huv thiab kev dawb huv.

**Yog tias kuv khiav ib lub lag luam tsis tseem ceeb es muaj lub chaw teeb khoom muaj rau sab nraud, kuv puas tau kev tso cai los hloov kho kuv lub lag luam los mus xa khoom tawm rau tib neeg cov vaj tse?**

Tau.

**Kuv yog ib tug neeg saib menyuam. Kuv puas txhaum plaub yog tias kuv mus ua haujlwm?**

Sob Lus Xaaj tso cai rau cov neeg saib menyuam thiab zov menyuam nyob rau hauv tus menyuam lub tsev ua tau haujlwm ntxiv mus.

**Kuv caij puas tau lub tsheb ntiav taxi uas kuv nyiam thauj kuv mus ub no?**

Tau, tiamsis cov tej yam kev siv no tsuas yog siv rau "tej kev khiav haujlwm tseem ceeb," nkaus xwb mus thiab rov tom haujlwm los mus ua "cov lag luam tseem ceeb," los yog muab "nom tswv tej yam haujlwm tseem ceeb," uas yog tau txhais lub ntsiab nyob hauv Sob Lus Xaaj lawm. Nco ntsoov tias yog koj nyob sib ze hauv ib lub tsheb uas sib koom nrog lwm cov neeg coob coob yog ib yam uas yuav tsum tsis txhob nyob yog tias ua tau.

**Kuv siv pej xeem tej kev thauj neeg mus los puas tau?**

Tau, tiamsis cov kev pej xeem siv thauj neeg mus los tsuas yog siv los rau "tej kev khiav haujlwm tseem ceeb," nkaus xwb mus thiab rov tom haujlwm los mus ua "cov lag luam tseem ceeb," los yog muab "nom tswv tej yam haujlwm tseem ceeb." Thaum siv pej xeem cov kev thauj neeg mus los, koj yuav tsum tswj xyuas txoj kev nyob nruv deb li qhov tsawg kawg yog 6 feet ntawm lwm tus neeg (2 los yog kauj ruam kom deb), xam nrog rau thaum uas koj nyob saum lub tsheb loj.

**LWM COV LUS NOOG**

**Kuv yuav ua li cas yog thaum kuv nyob hauv kab tos es tsis muaj chaw dav li 6 feet ntawm kuv thiab lwm tus neeg ne?**

Koj yuav tau tseem sim tswj xyuas li ntawm qhov tsawg kawg yog 6 feet ntawm koj thiab lwm tus neeg. Thaum ua tsis tau li qhov ntawd lawm, sim ua li koj ua tau kom lub caij nyob sib ze luv me ntsis. Thiab co ntsoov tias thaum koj nyob tos koj tsis txhob txhub los yog hnoos rau cov tib neeg. Yog tias koj yuav tau hnoos los yog txhub, hnoos thiab txhub rau koj lub tsho los yog rau koj qhov lauj tshib uas muaj ntaub npog, txhob hnoos thiab txhub rau koj txhais tes.

**Yuav ua li cas yog tias kuv cov kav dej siv tsis khiav lawm los yog muaj lwm qhov teeb meem rau tej yam khoom tseem ceeb ntawm kuv lub tsev ne? Kuv yuav mus nrhiav cov kev pab cuam li cas?**

Hu rau koj tus neeg kho kav dej los yog tus neeg tswj saib vaj tse. Sob Lus Xaaj no yuav tso cai rau cov neeg xws li cov kho kav dej, kho fais fab, tua kab ntsaum, thiab lwm cov kev pab zoo xws li los pab kom lawv kaj tsij khiav haujlwm muab lawv cov kev pab rau pej xeeb siv. Yog koj xav tau tej khoom los rau koj li mam nrhiav kev ua koj tus kheej, koj mus tau rau cov khw muab khoom kho vaj tse, uas yeej tau kev tso cai qhib nyob rau hauv Sob Lus Xaaj no.

**Kuv yuav ua li cas txog cov neeg kuv hlub tshua uas xav tau kev saib tu los ntawm kuv los?**

Koj tau kev tso cai los saib tu los yog pab mus yuav tej khoom siv rau cov neeg koj hlub tshua, tab txawm tias lawv tsis nrog koj nyob ib cuab ib yig. Tiamsis tsis txhob muab kev saib tu los yog mus nqa khoom siv yog tias koj muaj mob thiab yog tias muaj lwm tus pab tau lawv. Yog tias koj muaj mob, thov sim cais koj tus kheej tawm los yog taug lwm txoj kev kom tsis txhob cia koj mus kis koj tus mob mus rau lwm tus neeg.